



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
აკადემიური საბჭო

დადგენილება № 06-01/92

ქ. ბათუმი

14 აგვისტო, 2019 წ.

„ბსუ-ს აკადემიური და მოწვეული პერსონალის საქმიანობის შეფასების წესის დამტკიცების შესახებ“ ბსუ-ს აკადემიური საბჭოს 2017 წლის 29 ივნისის №46 დადგენილებაში ცვლილებებისა და დამატებების შეტანის თაობაზე

„უმაღლესი განათლების შესახებ“ საქართველოს კანონის 21-ემუხლის 1-ლი პუნქტის, ბსუ-ს წესდების მე-8 მუხლის მე-4 პუნქტის საფუძველზე, აკადემიურმა საბჭომ

დაადგინა:

1. აკადემიური საბჭოს 2017 წლის 29 ივნისის №46 დადგენილებაში შევიდეს ცვლილება, კერძოდ, დადგენილებით დამტკიცებული წესის:

ა) მე-2 მუხლის 1-ლი პუნქტის „ა“ ქვეპუნქტი ჩამოყალიბდეს შემდეგი რედაქციით:

„ა) საგანმანათლებლო პროგრამის შემუშავებისა და სრულყოფის (სასწავლო კურსების სილაბუსების განახლება/სრულყოფა, სასწავლო მასალების - სალექციო/ჯგ. მუშ./ლაბ. სამუშაოს მასალა და სხვა) პროცესში ჩართულობა“.

ბ) მე-2 მუხლის 1-ლი პუნქტის „ბ“ ქვეპუნქტი ძალადაკარგულად იქნეს ცნობილი;

გ) მე-2 მუხლის მე-2 პუნქტი ჩამოყალიბდეს შემდეგი რედაქციით:

„2. ამ მუხლის პირველი პუნქტის კომპონენტების გათვალისწინებით პედაგოგიური საქმიანობის შეფასება განხორციელდეს ამ წესის დანართი 1-ის ველების შესაბამისად, ბსუ-ში მოქმედი ელექტრონული პორტალის (www.apa.bsu.edu.ge) გამოყენებით, მათ შორის დასაქმებულის თვითშეფასების საფუძველზე“.

დ) მე-3 მუხლი ჩამოყალიბდეს შემდეგი რედაქციით:

„მუხლი 3. სამეცნიერო-კვლევითი საქმიანობის შეფასება

1. სამეცნიერო-კვლევითი საქმიანობის შეფასების კომპონენტებია:

1.1. სამეცნიერო ნაშრომები/მონოგრაფია/გამოგონება/პატენტი (ქვემოთ ჩამოთვლილი რომელიმე ქვეპუნქტით გათვალისწინებული აქტივობის შესრულება):

ა) Web of Science ან Scopus ან ERIH PLUS (ჰუმანიტარული და სოციალური მიმართულებით) ან Google Scholar ან სხვა საერთაშორისო ბაზებში ინდექსირებული სამეცნიერო ნაშრომი/მონოგრაფია;

ბ) ეროვნულ ან საერთაშორისო საპატენტო ორგანიზაციებში რეგისტრირებული გამოგონება/პატენტი.

1.2. სამეცნიერო ღონისძიებებში მონაწილეობა: Web of Science ან Scopus ან ERIH PLUS (ჰუმანიტარული და სოციალური მიმართულებით) ან Google Scholar ან სხვა საერთაშორისო ბაზებში ინდექსირებული სამეცნიერო ღონისძიების თეზისები/გამოცემები;

1.3. გამარჯვებულ/დაფინანსებულ სამეცნიერო საგრანტო პროექტებში (საერთაშორისო, ეროვნულ ან საუნივერსიტეტო) მონაწილეობა ან/და შესაბამის საგრანტო კონკურსში მაღალი შეფასების (80% და მეტი) მიღება;

1.4. სხვა სამეცნიერო აქტივობები: სამეცნიერო ღონისძიებების ორგანიზებაში მონაწილეობა ან სამეცნიერო პროექტებში სტუდენტთა ჩართულობა ან საბაკალავრო/სამაგისტრო/სადოქტორო ნაშრომების ხელმძღვანელობა ან სამეცნიერო სემინარების ჩატარება ან სტუდენტთა სამეცნიერო კონფერენციებში ჩართულობა ან სამეცნიერო გამოცემების რედკოლეგიის წევრობა ან სამაგისტრო/სადოქტორო ნაშრომის რეცენზირება ან მონოგრაფიის რეცენზირება/რედაქტორობა ან სამეცნიერო ნაშრომის რეცენზირება ან საექსპერტო მომსახურება ან საერთაშორისო საგრანტო პროექტებში ჩართულობა ან სხვა.

2. სამეცნიერო საქმიანობის შეფასების პროცედურებია:

2.1. აკადემიური პერსონალის მიერ ბსუ-ში მოქმედ ელექტრონულ პორტალზე (www.apa.bsu.edu.ge) სამეცნიერო საქმიანობის თვითშეფასების ფორმის შევსება;

2.2. შეფასებაზე პასუხისმგებელი პირების (სამეცნიერო კვლევების სამსახური, რექტორის მოადგილე, დეკანი, დარგობრივი დეპარტამენტის ხელმძღვანელი, საგანმანათლებლო პროგრამის ხელმძღვანელი, ფაკულტეტის ხარისხის უზრუნველყოფის სამსახურის უფროსი) მიერ დასაქმებულის თვითშეფასების თითოეული კომპონენტის შესაბამისი აქტივობის დადასტურება;

2.3. პასუხისმგებელი პირის დადასტურების საფუძველზე, სხვა სამეცნიერო აქტივობის შეფასება (ქულების მინიჭება, რომელიც არ არის დამოკიდებული რაოდენობრივ მაჩვენებელზე):

ა) სამეცნიერო ღონისძიებების ორგანიზებაში მონაწილეობა - 1 ქულა;

ბ) სამეცნიერო პროექტებში სტუდენტთა ჩართულობა - 1 ქულა;

გ) საბაკალავრო ნაშრომების ხელმძღვანელობა - 1 ქულა;

დ) სამაგისტრო ნაშრომების ხელმძღვანელობა - 2 ქულა;

ე) სადოქტორო ნაშრომების ხელმძღვანელობა - 3 ქულა;

ვ) სამეცნიერო სემინარების ჩატარება - 2 ქულა;

ზ) სტუდენტთა სამეცნიერო კონფერენციებში ჩართულობა - 1 ქულა;

თ) სამეცნიერო გამოცემების რედკოლეგიის წევრობა - 2 ქულა;

ი) მონოგრაფიის რეცენზირება/რედაქტორობა - 3 ქულა;

კ) სამაგისტრო ნაშრომის რეცენზირება - 1 ქულა;

ლ) სადოქტორო ნაშრომის რეცენზირება - 2 ქულა;

მ) სამეცნიერო ნაშრომის რეცენზირება - 2 ქულა;

ნ) საექსპერტო მომსახურება - 2 ქულა;

ო) საერთაშორისო საგრანტო პროექტებში ჩართულობა -2 ქულა;

პ) სხვა აქტივობა - 1 ქულა;

3. სამეცნიერო აქტივობებისა და მინიჭებული ქულების საფუძველზე დასაქმებულის საბოლოო შეფასება განისაზღვრება შემდეგნაირად:

3.1. უმაღლესი შეფასება ენიჭება პირს, რომელიც საანგარიშო პერიოდში (გასული კალენდარული წლის მონაცემები, გარდა სამეცნიერო გრანტისა) აკმაყოფილებს შემდეგ მოთხოვნებს:

ა) გამოქვეყნებული აქვს სამეცნიერო ნაშრომი ტომსონ როიტერის იმპაქტ-ფაქტორის მქონე Web of Science ან ტომსონ როიტერის იმპაქტ-ფაქტორის მქონე ERIH PLUS (ჰუმანიტარული და სოციალური მიმართულებით) საერთაშორისო ბაზაში ინდექსირებულ სამეცნიერო ჟურნალში ან აქვს საერთაშორისო საპატენტო ორგანიზაციებში რეგისტრირებული გამოგონება/პატენტი;

ბ) მონაწილეობა აქვს მიღებული სამეცნიერო ღონისძიებაში, რომლის აბსტრაქტები/გამოცემები ინდექსირებულია Web of Science ან Scopus ან Google Scholar ან ERIH PLUS (ჰუმანიტარული და სოციალური მიმართულებით) საერთაშორისო ბაზებში;

გ) არის ბოლო სამი წლის განმავლობაში დაფინანსებული სამეცნიერო საგრანტო პროექტის ხელმძღვანელი/ძირითადი შემსრულებელი;

დ) სხვა სამეცნიერო აქტივობებში აქვს არანაკლებ 5 ქულა.

3.2. მაღალი შეფასება ენიჭება პირს, რომელიც საანგარიშო პერიოდში (გასული კალენდარული წლის მონაცემები) აკმაყოფილებს **უმაღლესი** შეფასებისათვის გათვალისწინებულ პირველ ან მესამე მოთხოვნას (წინამდებარე წესის 3.1 ქუნქტის „ა“ ან „გ“ ქვეპუნქტები) ან შემდეგ მოთხოვნებს:

ა) გამოქვეყნებული აქვს სამეცნიერო ნაშრომი Web of Science ან Scopus ან ERIH PLUS (ჰუმანიტარული და სოციალური მიმართულებით) საერთაშორისო ბაზაში ინდექსირებულ სამეცნიერო ჟურნალში ან აქვს ეროვნულ საპატენტო ორგანიზაციებში რეგისტრირებული გამოგონება/პატენტი;

ბ) მონაწილეობა აქვს მიღებული სამეცნიერო ღონისძიებაში, რომლის აბსტრაქტები/გამოცემები ინდექსირებულია Web of Science ან Scopus ან Google Scholar ან ERIH PLUS (ჰუმანიტარული და სოციალური მიმართულებით) საერთაშორისო ბაზებში;

გ) არის დასაფინანსებლად წარდგენილი, მაღალი შეფასების მქონე (80% და მეტი) სამეცნიერო საგრანტო პროექტის ხელმძღვანელი/შემსრულებელი/ დამხმარე პირი;

დ) სხვა სამეცნიერო აქტივობებში აქვს არანაკლებ 5 ქულა.

3.3. კარგი შეფასება ენიჭება პირს, რომელიც საანგარიშო პერიოდში (გასული კალენდარული წლის მონაცემები) აკმაყოფილებს **მაღალი** შეფასებისათვის გათვალისწინებულ პირველ მოთხოვნას (წინამდებარე წესის 3.1 ქუნქტის „ა“ ქვეპუნქტები) ან შემდეგ მოთხოვნებს:

ა) გამოქვეყნებული აქვს სამეცნიერო ნაშრომი Google Scholar საერთაშორისო ბაზაში ინდექსირებულ სამეცნიერო ჟურნალში;

ბ) მონაწილეობა აქვს მიღებული საერთაშორისო ან ეროვნულ სამეცნიერო ღონისძიებაში;

გ) სხვა სამეცნიერო აქტივობებში აქვს არანაკლებ 5 ქულა.

3.4. შეფასების გარეშე ენიჭება პირს, რომელიც ვერ აკმაყოფილებს ზემოთ მოცემულ კრიტერიუმებს (წინამდებარე წესის 3.1 ან 3.2 ან 3.3. ქვეპუნქტებით გათვალისწინებული მოთხოვნები) .“

ე) მე-4 მუხლის მე-3 პუნქტი ჩამოყალიბდეს შემდეგი რედაქციით:

„3. ამ მუხლით მე-2 პუნქტის კომპონენტების გათვალისწინებით სხვა საუნივერსიტეტო საქმიანობის შეფასება განხორციელდეს ამ წესის დანართი 3-ის ველების შესაბამისად, ბსუ-ში მოქმედი ელექტრონული პორტალის (www.apa.bsu.edu.ge) გამოყენებით, მათ შორის დასაქმებულის თვითშეფასების საფუძველზე;“

ვ) მე-2 დანართი ჩამოყალიბდეს თანდართული რედაქციით (წესის დანართი 2);

ზ) მე-4 დანართი ძალადაკარგულად იქნეს ცნობილი;

თ) წესის დანართში 1 და დანართში 2 ამოღებული იქნეს სვეტი „შეფასებაზე პასუხისმგებელი პირების ხელმოწერა“;

ი) დანართში 1 და დანართში 2 შეფასებები „ძალიან კარგი“, „კარგი“ და „დამაკმაყოფილებელი“ შეიცვალოს შეფასებებით: „უმაღლესი“, „მაღალი“ და „კარგი“;

1. დადგენილება გამოქვეყნდეს ბსუ-ს ვებგვერდზე და მომზადდეს კოდიფიცირებული ვერსია.

2. დადგენილება დაეგზავნოს რექტორის მოადგილეებს და ბსუ-ს შესაბამის სტრუქტურულ ერთეულებს (სამეცნიერო კვლევების სამსახურს, იურიდიულ დეპარტამენტს, ფაკულტეტებს, სამეცნიერო-კვლევით ერთეულებს და საინფორმაციო ტექნოლოგიების სამსახურს).

3. დადგენილება ძალაშია ხელმოწერისთანავე.

აკადემიური საბჭოს თავმჯდომარე,

რექტორი, ასოც. პროფესორი

ხალვაში

მერაბ

ბსუ-ს აკადემიური და მოწვეული პერსონალის საქმიანობის შეფასების წესის

დანართი 2.

შეფასების კომპონენტები	თვითშეფასება და დადასტურება	დადასტურებაზე პასუხისმგებელი პირები	შენიშვნა
სამეცნიერო ღონისძიებებში მონაწილეობა		დეკანი დეპარტამენტის ხელმძღვანელი	
სამეცნიერო პუბლიკაციები/გამოგონება/პატენტი		დეკანი დეპარტამენტის ხელმძღვანელი ხარისხის უზრუნველყოფის სამსახურის ხელმძღვანელი	
გამარჯვებულ/დაფინანსებულ სამეცნიერო საგრანტო პროექტებში მონაწილეობა ან/და შესაბამის საგრანტო კონკურსში მალალი შეფასების მიღება, მაგრამ ვერ გამარჯვება (მაქსიმალური შეფასების 80% და მეტი)		დეკანი დეპარტამენტის ხელმძღვანელი სამეცნიერო გრანტის ხელმძღვანელი	
სხვა სამეცნიერო აქტივობები:			
სამეცნიერო ღონისძიებების ორგანიზებაში მონაწილეობა		დეპარტამენტის ხელმძღვანელი სამეცნიერო კვლევების სამსახური	
სამეცნიერო პროექტებში სტუდენტთა ჩართულობა		დეპარტამენტის ხელმძღვანელი სამეცნიერო კვლევების სამსახური	
საბაკალავრო ნაშრომის ხელმძღვანელობა		დეკანი პროგრამის ხელმძღვანელი	

სამაგისტრო ნაშრომების ხელმძღვანელობა		დეკანი	
		პროგრამის ხელმძღვანელი	
სადოქტორო ნაშრომების ხელმძღვანელობა		პროგრამის ხელმძღვანელი	
		სამეცნიერო კვლევების სამსახური	
სამეცნიერო სემინარების ჩატარება		დეპარტამენტის ხელმძღვანელი	
		სამეცნიერო კვლევების სამსახური	
სტუდენტთა სამეცნიერო კონფერენციებში ჩართულობა		დეკანი	
		დეპარტამენტის ხელმძღვანელი	
სამეცნიერო გამოცემების რედაქციის წევრობა		დეკანი	
		დეპარტამენტის ხელმძღვანელი	
მონოგრაფიის რეცენზირება/რე დაქტორობა		დეპარტამენტის ხელმძღვანელი	
სამაგისტრო ნაშრომის რეცენზირება		დეკანი	
		პროგრამის ხელმძღვანელი	
სადოქტორო ნაშრომის რეცენზირება		დეპარტამენტის ხელმძღვანელი	
		სამეცნიერო კვლევების სამსახური	
სამეცნიერო ნაშრომის რეცენზირება		დეკანი	
		დეპარტამენტის ხელმძღვანელი	
საექსპერტო მომსახურება		დეკანი	
		დეპარტამენტის ხელმძღვანელი	
საერთაშორისო საგრანტო პროექტებში ჩართულობა		დეკანი	
		დეპარტამენტის ხელმძღვანელი	
სხვა;			
აკადემიური პირის კომენტარი			